

D Ž A B I Ć N A Z I M

Bio je trgovački pomoćnik. Radio je kod mnogih privatnih poslodavaca, a zadnje zaposlenje imao je u trgovini konfekcijske robe Mehmeda Jahića, koja se nalazila u blizini džamije Ferhadije kod današnjeg Ekspres resorana.

Stanovao je na području Hiseta, u blizini Fabrike obuće. N. je bio član KPJ, ali je bio veoma aktivan član radničkog pokreta u Banjoj Luci. Kao član dramske sekcije RKUD "Pelagić" naročito se ostakao u predstavi "Sluga Jernej". Od 1938-1940. g. redovno ide sa članovima "Pelagića" na turneje.

Kada je u maju 1941. godine u Banjoj Luci formirana diverzantska grupa Nazim je postao njen član. Na čelu grupe bio je Drago Mažar, a članovi su bili: Suljo Halalkić, Džabić Nazim-Did, Drago Slunjski, Jovo Savinović, Osman Malkić-Maga, Mehmed Coco, Mustafa Kušmić i Maglajlić Osman-Kadija.-

Kada je Njemačka napala na SSSR počela su hapšenja aktivista radničkog pokreta. Među uhapšenima bio je i Nazim. Pošto od njega nisu mogli iznuditi priznanja pustili su ga iz Crne kuće, ali je ponovo uhapšen negdje u aprilu 1942. godine. Odveli su ga u logor Stara Gradiška, a potom u logor Jasenovac. Poginuo je u poznatom pokušaju grupnog bjegstva.

U zatvoru i logoru imao je izvanredno držanje. I u najvećim teškoćama i mukama ostao je vjeran radničkom pokretu i svojim drugovima. Zbog njegovih ličnih kvaliteta bio je omiljen među drugovima.

Ethem Džabić, sadašnji direktor Fabrike obuće njegov je brat.-

Podatke dao 5. jula 1973. godine
Mustafa Kušmić.-

